



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Pelagia V. & M. 4. Maii.

urn:nbn:de:hbz:466:1-44055

mus omnium carbonarius experimento didicit; suis, quas ipse sufflaverat, involutus flammis FLO-
RIANVM appellavit, & integro corpore è rogo
emersit. Beneficium luculentius fuit, quām ut il-
lud obscurare invidia vel oblivio posset. Inde po-
steris quoque mos traditus est, FLORIANI imagi-
nem cum urnâ aquariâ in fronte ædium dedican-
di. Vos illam, ô juvenes, etiam animis tutelam ad-
sciscite, adversus multò tristiora incendia, quibus
libido faces subdit, & perenne pabulum omnes
corporis sensus subvehunt. Lingua, manus, au-
res, oculi, fatendum est, incendiarii sunt animæ.

Ex Surio.

O Ignis infernalis luxuria, cuius materia gula, cuius
flamma superbia, cuius scintilla præva colloquia, cuius
fumus infamia, cuius cinis immunditia, cuius finis ge-
henna. S.Heron.in Ep.

S.PELAGIA V. & M. 4.Maii.

P ELAGIAM Tharsensem Diocletiani Deique
filius sponsam ambierunt, ille corporis, hic
animi pulchritudine captus. Respuit mortalem
procum Virgo, & cælestè conjugium præoptavit.
Paranymphus Clino fuit Episcopus, quem divini-
tus sibi ostensum inter montium latebras reperit,
ubi edocta est, qualis dos afferenda ad sponsum
esset. Ea uno verbo innocentia appellatur, quam
beati Genii donum PELAGIÆ tulere, cùm lustrico
fonte, qui ad Clinonis preces è ripe profluxit, tin-
geretur. Augusta præterea Virgo duplice diade-
mate cincta, ut vel hinc terrarum Cælique Do-
minam intelligas, palam visendam se dedit, velut
sanctorum sponsalium Antistes. Non fuit deinde
difficile PELAGIÆ hoc virginali mundo excultæ,

bombycum fila contemnere. Nimirum non Cæsar sed Numinis oculis se compsit, cui in sponsa cilicium præ purpurâ placet. Sed neque rivalem diu sustinuit Christus; hunc enim antelatum sibi indignatus Cæsar filius, versusque ex amore in furorem, gladio pectus transfixit. Diocletianus tamen filium ulturus non fuerat, si Pelagia amorem à Christo ad se transtulisset. Abhorrentem ab ea conditione novus Phalaris bovi æreo carenti inclusit, in quo illa, amore verius, quam igne liquefacta est. Exuvias corporis in Linatum montem projectas quatuor leones tutati sunt; Clino in unam composuit, & monti congregationis nomen indidit. Vos Sodales, qui tituli jure reliquiarum hæredes estis, quod in Pelagiâ pulcherrimum fuit, innocentiae vestem, primo loco votoque poscite.
Ex Metaphrast.

Silixuria flamma in ossibus astuat, protinus illam memoria aeterni ignis extinguat: si callidus insidiator lubricam carnis speciem objicit, illico mens ad mortuum sepulchra oculum dirigat, & quid illic suave tactu, quid delectabile visu reperiatur, solerter attendat. S.Pet. Dam. op. 7. cap. 23.

S. MONICA VIDUA. 4.Maii.

HÆc est illa MONICA, quæ Augustinum bis genuit, orbi primùm, deinde cælo, secundo quam primo partu felicior, dum filio pietatem, alteram hominis animam, quam cum lacte instillare non potuit, plorando infudit. Hæresi Manichea mortalissimâ humani generis peste perierat Augustinus; mater sic mortuo affundere lacrimas non ante destitit, quam Episcopi oraculo recreata est spoudentis: *Fieri non posse, ut filius istarum lacrimarum*

erima.